



Broj: 15-03-16-5-117/15

Datum: 15.4.2015. godine

Na osnovu člana 61. Zakona o upravi (Službeni glasnik BiH broj 32/02), člana 19. Zakona o Agenciji za identifikaciona dokumenta, evidenciju i razmjenu podataka BiH (Službeni glasnik BiH broj 56/08), člana 69. stav 2. tačka d) i člana 70. Zakona o javnim nabavkama BiH („Službeni glasnik“, broj 39/14), direktor Agencije donosi slijedeću:

ODLUKU **o poništenju postupka nabavke**

I

Poništava se postupak javne nabavke usluga održavanja Oracle licenci objavljenom na web portalu Agencije za javne nabavke BiH, broj obavještenja: 1110-1-2-1-3-1/15 od 16.02.2015. godine, koji je proveden u skladu sa procedurom otvorenog postupka.

II

Ova odluka će se dostaviti ponuđačima putem pošte u roku od 3 (tri) dana, a najkasnije u roku od 7 (sedam) dana od dana donošenja.

Obrazloženje

Na osnovu provedenog postupka nabavke, Komisija za nabavke, imenovana Rješenjem broj: 15-03-16-5-117/15 od 05.03.2015. godine, konstatovala je da je rok za dostavu ponuda 14.04.2015. godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigla samo jedna (1) ponuda i to ponuđača Oracle BH d.o.o. Sarajevo. Neblagovremenih ponuda nije bilo.

Komisija je predložila donošenje odluke o poništenju postupka nabavke, u skladu sa članom 69. stav 2. tačka d) Zakona o javnim nabavkama BiH, iz razloga što je jedini ponuđač koji je dostavio ponudu Oracle BH d.o.o. Sarajevo ocijenjen kao nekvalifikovan nakon izvršene provjere kvalifikacije ponuđača prema uslovima učešća u tenderskoj dokumentaciji, te je njegova ponuda ocijenjena kao neprihvatljiva. U konkretnom slučaju, nakon izvršene provjere kvalifikacije ponuđača utvrđeno je da izvodi iz poslovnih bilansa zahtjevani tačkom 6.4.1 b) tenderske dokumentacije kojima se dokazuje pozitivno poslovanje nisu pozitivni, te da potvrde o realizaciji ugovora zahtjevani tačkom 6.5.1 b) tenderske dokumentacije, nisu dostavljene, iako je navedeno da je izabrani ponuđač dokaze o kvalifikaciji navedene u tački 6.5.1 dužan uz ponudu dostaviti u originalu ili ovjerenoj kopiji. Naime, uz spisak izvršenih ugovora mora se dostaviti minimalno jedna potvrda koje daje druga ugovorna strana o njihovoj realizaciji, a u slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.

Na osnovu prijedloga Komisije, odlučeno je kao u dispozitivu ove odluke.



Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda ovog zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema odluke o izboru najpovoljnijeg ponuđača. Žalilac izjavljuje žalbu Uredu za razmatranje žalbi Bosne i Hercegovine (Maršala Tita broj 11a, Sarajevo) putem ugovornog organa, u pisanoj formi direktno ili preporučenom poštanskom pošiljkom, u rokovima propisan Zakonom. Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena kvalificiranom kandidatu ili izabranom ponuđaču, kao i drugim strankama u postupku.

X 

DIREKTOR

mr Siniša Macan

Signed by: SMACAN

дигитално потписано / digitalno potpisano / digitally signed